

ZAKON O KULTURI

I. OSNOVNE ODREDBE

Član 1.

Ovim Zakonom utvrđuju se načela i ciljevi u oblasti kulture, razvoj kulturnih djelatnosti, uređivanje programa razvoja kulture, oblici međunarodne kulturne saradnje, uslovi rada i djelovanja u oblasti kulture, razvoj amaterskog djelovanja u oblasti kulture, finansiranje programa i projekata u oblasti kulture, kriteriji i mjerila u postupku stvaranja i realizacije programa, kao i očuvanje kulturnog naslijeđa i kulturnih vrijednosti.

Član 2.

Djelovanje u oblasti kulture je slobodno.
Bosansko-podrinjski kanton Goražde (u daljem tekstu: Kanton) i općine se brinu za ostvarivanje javnog interesa u oblasti kulture.

Član 3.

- Javni interes u oblasti kulture obuhvaća:
- stvaranje mogućnosti za razvoj kulturnih djelatnosti na području Kantona,
 - obezbjeđenje uslova za stvaranje, prenošenje i dostupnost kulturnih vrijednosti,
 - očuvanje kulturnog naslijeđa i prirodnog naslijeđa,
 - afirmisanje kulturnih vrijednosti Kantona u zemlji i svijetu, u okviru ukupnih vrijednosti Bosne i Hercegovine i Federacije Bosne i Hercegovine,
 - kulturni odgoj u obrazovanju i obrazovanje kadrova za pozive u oblasti kulture i
 - kulturološka istraživanja.

Član 4.

- Javni interes u oblasti kulture se ostvaruje:
- kratkoročnim i dugoročnim programom rada u oblasti kulture, na području Kantona,
 - programom rada općina u oblasti kulture,
 - obezbjeđivanjem uslova za rad i razvoj kulturnih djelatnosti,
 - obezbjeđivanjem sredstava za djelatnosti kulture iz kantonalnog budžeta i iz budžeta općina,

- stvaranjem javne infrastrukture u oblasti kulture,
- stimulativnom poreznom politikom,
- postavljanjem posebnih uslova za vršenje pojedinih djelatnosti u oblasti kulture, ako to zahtijeva priroda tih djelatnosti.

Član 5.

Za ostvarivanje javnog interesa u oblasti kulture obezbjeđuju se sredstva iz budžeta Kantona i iz budžeta općina, u skladu sa njihovim programima za sljedeće namjene:

- za očuvanje kulturnog naslijeđa i prirodnog naslijeđa,
- za izvođenje programa iz oblasti kulture,
- za pokrivanje fiksnih troškova javnih ustanova u oblasti kulture, koji obuhvataju materijalne troškove,
- za investicije u javnu infrastrukturu u oblasti kulture,
- za podsticaj umjetničkog stvaralaštva i za nagrade u oblasti kulture.

Obim i vrste zadataka u pojedinim oblastima su sastavni dio programa u oblasti kulture Kantona i općina.

Član 6.

Pod kulturnom djelatnošću, u smislu odredaba ovog Zakona, podrazumijevaju se svi oblici stvaralaštva, prenošenja i očuvanja kulturnih vrijednosti u oblasti književne, muzičke, plesne, pozorišne, likovne, filmske i video djelatnosti, očuvanja kulturnog i prirodnog naslijeđa, arhivske, muzejske, izložbene i bibliotečke djelatnosti, kao i izdavaštva, kinematografije i radija i televizije.

Djelatnosti iz predhodnog stava ovog člana, detaljnije utvrđuje ministar za obrazovanje, nauku, kulturu i sport Bosansko-podrinjskog kantona Goražde (u daljem tekstu: ministar), po predhodno pribavljenom mišljenju Savjeta za kulturu.

U spornim slučajevima, da li je pojedina djelatnost kulturna djelatnost, u smislu odredaba ovog Zakona, rješava Ministarstvo za obrazovanje, nauku, kulturu i sport Bosansko-podrinjskog kantona Goražde (u daljem tekstu: Ministarstvo), na osnovu predhodno pribavljenog mišljenja Savjeta za kulturu.

II. NOSIOCI DJELATNOSTI U OBLASTI KULTURE

Član 7.

Djelatnost u oblasti kulture mogu obavljati domaća i strana pravna i fizička lica, ako ispunjavaju uslove propisane ovim Zakonom.

1. Osnivanje i početak rada pravnih lica koja obavljaju djelatnost u oblasti kulture

Član 8.

Djelatnost u oblasti kulture pod uslovima utvrđenim ovim Zakonom, obavlja ustanova, udruženje građana i drugo pravno lice (u daljem tekstu: ustanova kulture).

Član 9.

Ustanova kulture osniva se za obavljanje djelatnosti iz člana 6. ovog Zakona (u daljem tekstu: djelatnost kulture), ako cilj obavljanja te djelatnosti nije ostvarivanje dobiti.

Ustanovu kulture može osnovati domaće i strano pravno i fizičko lice u svim oblicima svojine na način i po postupku utvrđenom posebnim Zakonom i ovim Zakonom.

Ustanovu kulture mogu osnovati dva ili više osnivača u skladu sa ovim Zakonom ili sa posebnim zakonom.

Javnu ustanovu kulture osniva Skupština Kantona, odnosno općinsko vijeće.

Član 10.

Ustanova kulture može početi da obavlja registrovanu djelatnost kulture, nakon što Ministarstvo utvrdi da ispunjava sljedeće uslove:

- ima zaposlenog najmanje jednog radnika, za svaku djelatnost ustanove kulture posebno,
- ima prostor i potrebnu infrastrukturu, koji omogućavaju nesmetano obavljanje djelatnosti kulture.

Ministar bližim propisom utvrđuje posebne uslove za obavljanje djelatnosti kulture na prijedlog Savjeta za kulturu.

2. Upis i brisanje iz Registra

Član 11.

Pored upisa u sudski ili drugi registar, ustanova kulture se upisuje u Registar ustanova kulture.

Ministarstvo vodi Registar ustanova kulture, koja ispunjavaju uslove iz člana 10. ovog Zakona (u daljem tekstu: Registar).

Bliži propis o sadržaju, obliku i načinu vođenja, te postupku upisa i brisanja iz Registra donosi ministar.

Član 12.

Upis u Registar vrši se na osnovu prijave ustanove kulture.

Rješenje o upisu u Registar donosi ministar.

Rješenje iz stava 2. ovog člana donosi se na prijedlog komisije, koju imenuje ministar.

Član 13.

Upisom u Registar, ustanova kulture, stiče prava da obavlja djelatnost kulture u skladu sa ovim Zakonom i drugim propisima.

Član 14.

Ministarstvo je dužno da najmanje jedanput u dvije godine utvrdi da li ustanova kulture ispunjava uslove, iz člana 10. ovog Zakona.

Ako ustanova kulture ne ispunjava uslove iz člana 10. ovog Zakona Ministarstvo će donijeti rješenje kojim će se odrediti rok za otklanjanje nedostataka.

Ako u određenom roku nedostaci ne budu otklonjeni Ministarstvo će rješenjem zabraniti rad ustanove kulture, odnosno donijeti rješenje o prestanku rada ustanove kulture i o tome obavijestiti osnivača.

Na osnovu rješenja iz predhodnog stava bit će izvršeno brisanje ustanove kulture iz sudskog i drugog registra.

Član 15.

Kontrolu nad zakonitošću rada ustanova kulture iz oblasti kulture vrši Ministarstvo.

III. SAMOSTALNI STVARAOCI U OBLASTI KULTURE

Član 16.

Fizičko lice koje obavlja kulturnu djelatnost kao samostalnu profesiju je samostalni stvaralac u oblasti kulture.

Fizičko lice, iz stava 1. ovog člana, upisuje se u Registar samostalnih stvaralaca u oblasti kulture, koji vodi Ministarstvo.

Član 17.

U Registru, iz predhodnog člana, posebno se vode samostalni stvaraoci u oblasti kulture, koji nisu državljani Bosne i Hercegovine.

U Registar iz člana 16. ovog Zakona može se upisati svako lice koje ispunjava slijedeće uslove:

- da obavlja djelatnost stvaranja kulturnih vrijednosti, iz člana 6. ovog Zakona, kao jedino ili glavno zanimanje,

- da ima odgovarajuće stručno obrazovanje u skladu sa posebnim zakonom,
- da njegov rad predstavlja značajan doprinos razvoju i očuvanju bosansko-hercegovačke kulture,
- da ima dozvolu za obavljanje djelatnosti, kada je tako propisano,
- da mu nije pravosnažnom sudskom odlukom zabranjeno obavljanje te djelatnosti,
- da ima prebivalište na području Kantona.

Član 18.

Bliži propis o sadržaju, obliku i načinu vođenja, te postupak upisa i brisanja iz Registra samostalnih stvaralaca u oblasti kulture, donosi ministar.

Član 19.

O zahtjevu za upis u Registar samostalnih stvaralaca u oblasti kulture odlučuje ministar.

Član 20.

Samostalni stvaralac u oblasti kulture je obavezan prijaviti promjenu u vezi sa uslovima za upis u Registar samostalnih stvaralaca u oblasti kulture, najkasnije u roku od 15 dana, od nastale promjene.

Samostalni stvaralac u oblasti kulture briše se iz Registra samostalnih stvaralaca u oblasti kulture, na svoj zahtjev ili po službenoj dužnosti, ukoliko Ministarstvo ustanovi da više ne ispunjava propisane uslove.

Član 21.

Samostalnom stvaraocu u oblasti kulture se može, na njegov zahtjev odobriti plaćanje doprinosa iz budžeta Kantona za obavezno penzijsko i invalidsko osiguranje i za obavezno zdravstveno osiguranje od najnižeg penzijskog osnova, ako ispunjava sljedeće uslove:

- da je državljanin bosne i Hercegovine,
- da njegovo stvaralaštvo po svom obimu i kvalitetu predstavlja značajan doprinos bosansko-hercegovačkoj kulturi,
- da mu njegova finansijska situacija ne obezbjeđuje normalne uslove za rad,

O zahtjevu za odobrenje plaćanja doprinosa, iz predhodnog stava ovog člana odlučuje ministar.

Član 22.

Bliži propis o uslovima i postupku za odobravanje plaćanja doprinosa iz člana 21. ovog Zakona, donosi Vlada Kantona.

Član 23.

Stvaraocu u oblasti kulture koji je dao poseban doprinos u oblasti kulture, može se dodijeliti počasno zvanje.

Bliži propis o uslovima i postupku za dodjelu počasnog zvanja, iz predhodnog stava ovog člana, donosi Vlada Kantona.

Član 24.

Penzionisanom državljaninu Bosne i Hercegovine, koji je dao značajan doprinos bosansko-hercegovačkoj kulturi djelujući na području Kantona, a čija penzija ne odgovara datom doprinosu bosansko-hercegovačkoj kulturi, može se donijeti poseban dodatak na penziju.

Prilikom određivanja posebnog dodatka se, pored datog doprinosa bosansko-hercegovačkoj kulturi, uzima u obzir i broj članova u porodici, zdravstveno stanje, mjesto boravka, stambeni prostor i drugi socijalni uslovi.

Član 25.

Bliži propis o uslovima i postupku za odobravanje posebnog dodatka na penziju, iz člana 24. ovog Zakona, donosi Vlada Kantona.

IV. UDRUŽIVANJE U OBLASTI KULTURE

Član 26.

Građani se mogu udruživati u udruženja građana a u skladu sa posebnim zakonom, sa namjerom da u njima:

- vrše kulturne djelatnosti,
- udruže interese u pojedinim oblastima kulture,
- bave se stručnim pitanjima u pojedinim oblastima kulture,
- vrše djelatnosti u oblasti kulturnog odgoja i obrazovanja,
- daju doprinos boljem odnosu prema kulturnim dobrima i prema razvoju kulturnih djelatnosti.

Udruženju građana u oblasti kulture, u skladu sa posebnim zakonom, čija namjena i djelovanje prelaze ostvaranje interesa njihovih članova i imaju značaj djelovanja u javnom interesu u oblasti stvaranja, posredovanja i čuvanja kulturnih vrijednosti, može se povjeriti da, u oblasti svoje djelatnosti, vrši javna ovlašćenja.

Član 27.

Povjeravanje vršenja javnih ovlašćenja udruženju građana u oblasti kulture, iz člana 26. ovog Zakona, vrši se u skladu sa propisima o udruživanju građana.

V. PROGRAM U OBLASTI KULTURE KANTONA

Član 28.

Programom u oblasti kulture Kantona utvrđuju se osnove kulturne politike i obim djelatnosti.

Program u oblasti kulture Kantona donosi Skupština Kantona, na prijedlog Vlade Kantona.

Program u oblasti kulture Kantona se finansira, odnosno sufinansira iz budžeta Kantona i iz drugih izvora sredstava, u skladu sa zakonom.

Član 29.

- Programom u oblasti kulture Kantona utvrđuje se, naročito:
- načela i ciljevi kulturne politike,
 - mjere politike za razvoj kulturnih djelatnosti i za očuvanje kulturnog i prirodnog naslijeđa,
 - okvirni obim sredstava za kulturne djelatnosti, očuvanje kulturnog naslijeđa i kulturnih vrijednosti,
 - kriteriji i mjerila za stvaranje javne infrastrukture,
 - mjere i smjernice za razvoj amaterske kulture,
 - oblici ostvarivanja i smjernice za normative i standarde kulturnog razvoja manje razvijenih općina Kantona,
 - oblici ostvarivanja kulturnog razvoja naroda i narodnosti, na području Kantona, za očuvanje kulturnog naslijeđa u područjima u kojima žive,
 - oblici ostvarivanja veza sa kulturnim djelatnicima izvan Kantona i Bosne i Hercegovine,
 - mjere za očuvanje, povezanost i razvoj zjedničkog bosansko-hercegovačkog kulturnog prostora,
 - oblici ostvarivanja međunarodne kulturne saradnje i programski osnovi za afirmaciju bosansko-hercegovačke kulture,
 - smjernice u oblasti očuvanja okoline i uređivanja prostora i očuvanja kulturnog i prirodnog naslijeđa,
 - smjernice u oblasti kulturnog odgoja u obrazovanju i obrazovanja kadrova u kulturi,
 - smjernice u oblasti kulturoloških istraživanja,
 - kriteriji i mjerila u oblasti stvaranja i emitiranja kulturnih programa na radiju i televiziji,
 - smjernice za stimulativnu poreznu politiku na području poreznih olakšica i povlastica na području oporezivanja fizičkih i pravnih lica, koja ulažu u kulturne djelatnosti i koja ulažu sredstva u održavanje, odnosno obnovu kulturnog i prirodnog naslijeđa, pri utvrđivanju poreza na promet proizvoda i usluga iz oblasti kulture, pri plaćanju carina i drugih uvoznih taksi, te slične mjere,
 - obim djelatnosti u pojedinim oblastima kulture, koji se finansira odnosno sufinansira iz budžeta Kantona ili iz drugih javnih prihoda.

Član 30.

O izvršenju programa iz oblasti kulture Kantona, u okviru svojih nadležnosti, se stara Vlada Kantona, Ministarstvo i drugi nadležni državni organi.

Vlada Kantona svake godine podnosi Skupštini Kantona izvještaj o izvršenju programa u oblasti kulture iz stava 1. ovog člana u protekloj godini, uz ocjenu rezultata i sa prijedlozima nužnih mjera.

VI. SAVJET ZA KULTURU

Član 31.

Vlada Kantona osniva Savjet za kulturu, na prijedlog Ministarstva, kao stručno savjetodavno tijelo.

Vlada Kantona imenuje predsjednika i članove Savjeta za kulturu na prijedlog ministra.

Broj članova, trajanje mandata i način rada Savjeta za kulturu utvrđuje Vlada Kantona, aktom o osnivanju.

Član 32.

Savjet za kulturu:

- utvrđuje sadržaje i smjernice za donošenje programa u oblasti kulture Kantona,
- učestvuje upripremi prijedloga programa u oblasti kulture Kantona,
- prati i ocjenjuje izvršenje programa u oblasti kulture Kantona i daje inicijative za njegove izmjene i dopune,
- daje mišljenje o izvršenju programa u oblasti kulture Kantona,
- ocjenjuje stanje i razvoj u oblasti kulturnih djelatnosti, na području Kantona,
- daje mišljenje o prijedlozima zakona i drugih propisa iz oblasti kulture, te prijedlozima drugih zakona i propisa, koji zadiru u oblast kulture,
- daje inicijativu i prijedloge za uređivanje drugih pitanja iz oblasti kulture.

Član 33.

Za učestvovanje u izvršavanju zadataka Ministarstva, ministar osniva savjete, komisije ili ekspertne grupe, kao stručna savjetodavna tijela za pojedina područja kulturne djelatnosti.

Sastav savjeta, komisija ili ekspertnih grupa, njihove zadatke i način rada određuje ministar, aktom o osnivanju.

VII. FINANSIRANJE PROGRAMA U OBLASTI KULTURE

Član 34.

Programi u oblasti kulture i projekti se finansiraju ili sufinansiraju iz budžeta Kantona, u obliku subvencija, donacija, studijskih i radnih stipendija, otkupa umjetničkih djela i sl.

Normative i standarde za finansiranje ili sufinansiranje programa u oblasti kulture, odnosno projekata, u skladu sa programom u oblasti kulture Kantona, donosi ministar, uz predhodnu saglasnost Vlade Kantona.

Član 35.

Ministarstvo vrši odabir prijedloga za finansiranje ili sufinansiranje programa u oblasti kulture, odnosno projekata putem javnog konkursa sa izabranim izvođačima tih programa, odnosno projekata, zaključuje ugovor o finansiranju, odnosno sufinansiranju.

Izuzetno, Ministarstvo može zaključiti ugovor o finansiranju ili sufinansiranju programa iz kulture, odnosno projekata, bez javnog konkursa, ako je riječ o posebno važnom programu, odnosno projektu, kojeg nije bilo moguće unaprijed planirati.

Bliži propis o postupku i kriterijima za izbor programa u oblasti kulture, odnosno projekta za finansiranje ili sufinansiranje, iz stava 1 i 2 ovog člana, donosi ministar.

Član 36.

Prijedlog za finansiranje ili sufinansiranje programa u oblasti kulture odnosno projekata može dati samostalni stvaralac u oblasti kulture i ustanova kulture, koji su upisani u odgovarajući Registar, koji vodi Ministarstvo.

Član 37.

Izvođači programa u oblasti kulture, koji se finansiraju ili sufinansiraju iz budžeta Kantona, podnose Ministarstvu najkasnije do kraja februara svake godin, izvještaj o realizaciji programa u oblasti kulture i korišćenju finansijskih sredstava iz budžeta Kantona, za prošlu godinu.

VIII. JAVNA INFRASTRUKTURA U OBLASTI KULTURE

Član 38.

Nekretnine i oprema, koje su državna svojina i namjenjena su za vršenje kulturnih djelatnosti, predstavljaju javnu infrastrukturu u oblasti kulture.

Ministarstvo vodi evidenciju nekretnina koje čine javnu infrastrukturu u oblasti kulture.

Član 39.

Bliži propis o načinu i postupku vođenja evidencije nekretnina koje čine javnu infrastrukturu u oblasti kulture donosi ministar.

IX. KAZNE NE ODREDBE

Član 40.

Novčanom kaznom od 2.000 do 10.000 KM kaznit će se za prekršaj ustanova kulture ako:

1. otpočne sa radom prije upisa u Registar (član 13. ovog Zakona).
2. ne uskladi sa odredbama ovog Zakona svoju organizaciju, djelatnost i opća akta (član 44. ovog Zakona).

Za prekršaj iz predhodnog stava, kaznit će se i odgovorno lice u ustanovi kulture novčanom kaznom od 500 do 2.000 KM.

Član 41.

Novčanom kaznom od 1.000 do 5.000 KM kaznit će se za prekršaj fizičko lice ako se:

1. ne upiše u Registar samostalnih stvaralaca u oblasti kulture, u roku utvrđenom članom 45. ovog Zakona.

X. PRIJELAZNE I ZAVRŠNE ODREDBE

Član 42.

Obavljanje pojedinih djelatnosti, iz člana 6. ovog Zakona bliže se uređuje posebnim zakonom.

Član 43.

Na ustanove kulture primjenjuju se propisi o ustanovama, udruživanju građana i drugi propisi, ako ovim Zakonom nije drugačije određeno.

Član 44.

Postojeća pravna lica, koja obavljaju djelatnost iz oblasti kulture, dužne su u roku od šest mjeseci od stupanja na snagu ovog Zakona, uskladiti svoju organizaciju, djelatnost i opća akta sa odredbama ovog Zakona.

Član 45.

Fizička lica, koja obavljaju kulturnu djelatnost kao samostalni stvaraoci u oblasti kulture, dužni su da se upišu u Registar samostalnih stvaralaca u oblasti kulture, u roku od godinu dana od donošenja podzakonskog akta o sadržaju, obiku i načinu vođenja postupka upisa i brisanja iz Registra samostalnih kulturnih stvaralaca, iz člana 18. ovog Zakona.

Član 46.

Nekretnine i oprema koje su na dan početka primjene ovog Zakona, državno vlasništvo i namijenjene pretežno za obavljanje kulturnih djelatnosti, postaju sa danom početka primjene ovog Zakona javna infrastruktura u oblasti kulture.

Vlada Kantona u roku od šest mjeseci od stupanja na snagu ovog Zakona određuje koje su nekretnine i oprema iz predhodnog stava ovog člana, postale javna infrastruktura u oblasti kulture.

Ukoliko Vlada Kantona ne postupi u skladu sa predhodnim stavom, svako fizičko ili pravno lice, koje ima pravni interes, može predložiti da to odredi sud u vanparničnom postupku.

Član 47.

Vlada Kantona i Ministarstvo će donijeti podzakonske akte za izvršenje ovog Zakona u roku od godinu dana od stupanja na snagu ovog Zakona.

Član 48.

Ovaj Zakon stupa na snagu osmog dana od dana objavljivanja u «Službenim novinama Bosansko-podrinjskog kantona Goražde».

Broj:01-02-336/04
7. JUNA 2004. godine
G o r a ž d e

PREDSJEDAVAJUĆI SKUPŠTINE
dr. Alija Begović